

**donderdag**

**30**

**december**

weke 53

**vri'jdag**

**31**

**december**

weke 53



*Dat is een rere euliekoeke  
(een vremd persoan; Langedieke)*

2004

### **Zegen in 't ni'jjaor!**

En veul gelok in 't ni'je jaor weensken wi'j jim vanzels allegere! Wi'j hopen dat jim et oflopen jaor weer een boel genoegen en plezier had hebben van disse Stellingwarver Spreukekelinder. Ok veur et kommende jaor ligt d'r vanzels weer iene klaor en een boel van jim hebben die misschien al in huus.

Op dit laeste blattien van disse kelinder kun jim nog wat aorige gezegden en uuttrokkings mit et woord 'zegen' lezen. Die spreukies kommen allegere uut diel viere van et Stellingwarfs Woordeboek:

*Meiregen brengt zegen* (opgeven deur infermaanten uut Langedieke).

*De zegen van Jan Freriks, mit ni'jjaor een bossien wottels mit laank lof* (Oosterwoolde).

*Kiender is een zegen des Heren, mar ze holen je de noppen van de kleren* (Steggerde, Hooltpae).

*Zegen in 't ni'jjaor/Wi'j mi'j wat geven/Dan hoop ik daj' lang leven/Wi'j mi'j niks geven/Dan hoop ik dat je de potten en de pannen an de kont vaastekleven.* Dit wodde vroeger zongen of opzegd deur de Hiddekaampers uut Oosterwoolde, die an et begin van et ni'je jaor mit een kussensloop langs de huzen gongen om daor een beloning in te kriegen veur heur ni'jjaorsweens. *De zegen mit kriegen* (Buil; hopen dat et goed gaon zal, bi'jglieks een ni'je baene).

*Gelok-zegen-in-de-bri'jpot* (Ni'jberkoop; mit een boel gelok) Now, *op hoop van zegen* dan mar dat jim én wi'j dat allegere hebben zullen in 2005!

*Jan Oosterhof, Joop Oosterhof, Sietske Bloemhoff*